



A lokisetse Morena Sechaba se phethehileng. (Luka 1:17)

Tel: 28 350 466/ 62600983 (WhatsApp)

MOELETSI OA BASOTHO

PARARE DOMINO PLEBEM PERFECTAM



3

**"Muso o tsoe
motlakaseng"****Lesaoana o
khalema banna**

6

**TSEKANG HANTLE-TK****Access Our Books on Akello Library!**Explore a wide range of our books anytime, anywhere.
Visit Akello Library today and start reading!

#ReadAnywhere #AkelloLibrary #ExploreMore

**<https://library.akello.co/downloads>****Follow the link**

bookcentre@mazenodprinting.co.ls

Need guidance? Call/ / WhatsApp: 27 350562 / +266 57396597

MOELETSI

E ile le noka

Linaha tse ngata li khothaletsoa ho sebelisa matla a letsatsi ho fehla motlakase kapa ona moea, empa tlhahlobong ea Komiti e Alos-itseng Tšebeliso ea Lichelete tsa Sechaba (PAC) nakong eo e neng e etetse Setsi sa Phehlo ea Motlakase se Ha Ramarothole Seterekeng sa Mafeteng e fumane phehlo eo e le theko e holimo haholo. Tsena li tlisitsoe ke ho fumana hore Kampani ea Phepelo ea Motlakase Lesotho (LEC) e na le mokitlane oa limillione setsing sena. Komiti e hlalisa hore ho latela boima ba theko ea phehlo ea motlakase ha se Basotho bohle ba ka bang le matla a o ho kokomosa, 'me le eona LEC e ntse e ke ke ea ba le matla. Ka hona keletso ea eona ho 'Muso oa Lesotho ke hore o tsoe tjoro! Phehlong ea motlakase oa letsatsi. Empa ha o ka ithiba litsebe sechaba ke sona se tlo utloa litlamorao tse bosula tsa nyollo e holimo ea theko ea motlakase. Ke hore setsi see tsela eo se ahiloeng ka bokhothokhotho ba chelete ka teng, ke hore billione eo ea Maloti e tla ba e oelelletse feela? Ho feta mona 'Muso oa Lesotho o ntse o matha makhotleng ka lebaka la setsi sena. E se eka 'muso o ka etsa qeto e nepahetseng molemong oa sechaba se o tšepetseng tsohle tse ntle.

Mokhatlo oa Bahoebi ba Likhoebo tsa Lijo le Lino o ipiletsa ho 'muso o hlahloba lekhetho la joala leo o ileng oa eletsoa ke litsebi hore ha o ka le nyolla o tla lahlehela ke khoebo e lebe boahelaneng. O bontša hore taba ea hore bacha ba fuoe monyetla oa ho ngolisa likhoebo mahala ha se tharollo e kaalo-kaalo hobane ba hloka koetliso e ntle haholo ho tsoa bathong ba likhoebo mabapi le hore na khoebo li sebetsa joang. Ho ba nka ba kenngoe feela ka litsebo tse sieo ha ho thuse letho, le eona taba ea ho baleha tlhokahalo ea mesebetsi eo ho thoeng ea balehoa ke ho baka kotsi e fetang. Ba eletsa 'muso ke hona o kenya tšebetsong Section 34 e tla thusa ho totobatsa hantle hore na Basotho ba ka iqalla likhoebo joang ba sa tsekisane le melata, hape e tla boela e bontša hore na ke mofuta ofe oa likhoebo o tla oela matsohong a Basotho.

Taba e 'ngoe e hlohang ho kopaneloa ka tsela e khethetsehileng le ka boitelo ke tlhekefetso e etsetsoang basali le bana ba banana. Ha ho sa na beke e sa feteng motho a sa utloe litaba tsena. Mokhetsoa oa Malingoaneng Seterekeng sa Mokhotlong o itela ho bafani ho thusana ho atisa thuto sechabeng se sa fihlelleheng habonolo. Lebaka ke hore batho ba moo ba ntse ba iphelela ka mekhoe eane ea khale e amohang bana litokelo tsa bona, joaloka ho ba nyalisa ba le tlaase lilemong ebe seo se baka hore ba tsoe sekolo ka lehare. O re ofisi ea habo e lekile kannete moo e entseng teng empa e sitisoa ke khahello ea lichelete hofihlela taba-tabelo ea eona. Ka hona molemong oa bokamoso ba bana bao, o kopa ho thusoa hore le bona ba be le litoro joaloka bohle.

Letona la Tekano, Bacha le Ntšetsopele ea Sechaba le lona le khalemme banna ho emisa tlhekefetso ho basali le bana nakong eo le aneng le fana ka tlaleho 'mokeng oa Naha ea Lesotho oa National Voluntary Review. Le bontšitse hore naha e lahlehela ke chelete e ngata haholo e thusang ho alafa batho ba hlekefelitsoeng, 'me ntho ena e nonyetse moruo haholo empa e ka thibela eaba ea felisoa. Lekala la Bophelo lona le tlalehile katleho e bonahalang batsoetseng ba seng ba sa hloka hahale ka 54% ho tloha ka selemo sa 2009. Le ha ho le joalo qholotso e 'ngoe ke ea lipalo tse ntseng li phahama tsa bacha ba nang le kokoa-hloko ea HIV/AIDS. Bacha latelang likeletso tsohle tseo li le fuoang hobane bokamoso bo senyehang ke ba lona ha se ba batho ba le eletsang.

MOLIMO A BOLOKE LESOTHO LE BASOTHO

Motlotlehi o aba likhau

Nthabeleng Seitlheko

Motlotlehi Letsie III o nehelane ka likhau tse 488 ho litho tsa Litsi tsa Tšireletso tse ipabotseng tšebetsong le ho bahlanka ba 'muso ho tsoa makaleng a fapakaneng 'moho le batho ba ipabotseng litabeng tsa ntlafatso ea sechaba. Phano ena ea likhau e etsoa selemo le selemo e le karolo ea ketekelelo ea letsatsi la tsoalo la Motlotlehi. Tsena li bile mapatlaleng a Ntlo ea Borena bo Boholo, ka la 14 Phupu monongoaha.

O file Litho tsa Sepolesa tse 104, tsa Litsi tsa Tlhabol-



kenya letsoho kholong ea ntlafalo ea sechaba sa Lekokoaneng kaha likhoebo tse bang sebakeng seo li hola ka bongata, nakong ea mekete ea kereke.

Kereke ena e boetse e ba-

sa sechaba sa habo, le ha motho a ka re bana ha bana papa o fana ka papa kapa hona ho thusana ka sohle seo motho a ka se hlohang. A re le kerekeng ea habo hore ho ntlafatsoe temo o alimana ka likhomo tsa hae a ntse a nkile boikarabelo phepong ea balisana ba hae.

A re ka mpho ena o lakatsa hore batho bohle ba elelloe hore ha ba ntse ba etsa hantle ho na le mahlo a ba shebileng, 'me bohle ba etsang hantle ba tsoelepele ho etsa joalo re be sechaba sa Moshoeshoe se tummeng ka lerato le tlhompho.

Ea tlitoliloeng ka bosebeletsi bo hloahloa pharalatsong ea Se-ea-le-Moea-Pono Lehlohonolo Letele o re ke eena ea neng a thuse hore ebe Naha ea Lesotho e na le khaso ea Se-ea-le-Moea-Pono, kaha a ile a leka matsapa ohle ho bona hore lintho li tsamaea hantle joalokaha e ne e le Mookameli Lefapheng la Bo-ramahlale.

Monongoaha Motlotlehi o keteka lilemo tse 62 'me khubu ea ketekelelo ena, e tla ba Seterekeng sa Berea, ka la 17 Phupu monongoaha.



lo ea Batšoarua tse 51 le tsa Sesole likhau tsena 324, batho bao e seng ba Litsi tsa Tšireletso abetsoeng ba tšeletse ho kenyeletsa Khau ea Ramatšeatšana e abetsoeng Moarekabishopo Thabang Matsoso.

Mongoli Ofising ea Motlotlehi, Nyolosi Mphale o hlalositse hore Moarekabishopo Thabang Matsoso o fuoe Khau ea Ramatšeatšana, boetapeleng ba hae ba Kereke ea St. John Apostolic Church hobane e

pala karolo e kholo kholong le ntlafalong ea sechaba sa habo eona, ho kenyeletsa ho tšehetsa bana ba likhutsana, bahloki le bahoebi. A re esale kereke eo e thehoa sebakeng seo kholo ea moruo le ntlafalo ea likhoebo tse nyenyane ea bonahala.

E mong a ba tlitoliloeng ka ho ipabola ho thusa bahloki le batho ba kulang tikolong ea habo, Maphole Keketsi o re khau ena e mo fa morolo oa ho tsoelapele ho thu-

HAPPY BIRTHDAY

RABASOTHO

Re keteka letsatsi la tsoalo la Motlotlehi Letsie III

Bophelo ba hae bo fetohle motheo oa kopano, katleho le lerato Lesotho.

17 PHUPU 2025

Mazenod PRINTING WORKS (Pty) Ltd
Prepare good People for The Lord

Contacts: +266 28350 466

62600983 WhatsApp

Email: newsroom@moeletsiobasotho.co.ls

Sales and Marketing: (+266) 28 350 466/ 57396597 (WhatsApp)

MOELETSI oa BASOTHO
A LOKISETSE MORENA SECHABA SE PHETHEHLENG (LUKE 1:17)

Editorial

Lesetsa Rakubutu

(+266) 6203 1949 / 58490670

EMAIL: editor@moeletsiobasotho.co.ls

Mohale Lehlohonolo (Sub-editor)
(+266) 58 771 507 / 62 771 507

Journalists

Nthabeleng Seitlheko

57 665 038/ 68 216 271

Tšeliso Thakholi

58 540 853/ 63 480 404

Production Desk: 'Mateele Liqa

'Muso o tsoe motlakaseng oa letsatsi-Makhalanyane

soa ka ho lefa litjeo tseo tsa motlakase ka ho o reka ka litheko tse holimo.

Nthabeleng Seithleko

Molula-Setulo oa Komiti e Alosit-seng Tšebeliso ea Lichelete



tša Sechaba (PAC) 'Machabana Lemphane Letsie o re ba fumane ketelong ea bona Setsing sa Phehlo ea Motlakase Ha Ramarothole, hore Kampani ea Phepelelo ea Motlakase Lesotho

(LEC) e kolota setsi seo M70Millione. O boletse tse-na ka la 14 Phupu monongoaha, a hlalosa seo ba se fumaneng ketekelong ea bona e le komiti Ha Ramarothole Seterekeng sa Mafeteng.

Letsie o bontšitse ha sepheo sa bona e ne e le ho ea ithuta tšebetso ea sona le hore na se fihlela tebelo ea phehlo ea motlakase. A re phehlo ena ea motlakase ka letsatsi e theko e phahameng haholo le ho latela boleng ba thepa e sebelisoang sebakeng seo. A re Basotho ba bangata ba ke ke ba ba le matla a ho e komosa 'moho le LEC.

O tsoetsepele hore e bang 'muso o tsoelapele ka setsi sa mofuta ona ho t'lo sesisa naha kahar'a mekitlane hobane lichelete tse ling tse sebelisoang ho etsa mere-ro ena ke tsa mekitlane. A



bontša hore qetellong Basotho ke bona ba tla imet-

Molula-Setulo oa Balula-Setulo ba Likomiti tsa Paramente Mokhothu Makhalanyane o re ba etetse setsi sena kamor'a ho ithuta hore se fepela LEC ka motlakase eaba ba rera ho kena leetong ho etsa boithuto ka tšebetso ea sona.

O itse ba fumane hore ho fehla motlakase ka letsatsi ho litjeo li boima ha se tsela e ka arabelang tlhoko ea motlakase oa Lesotho, papisong le phehlo ea motlakase ka metsi le mashala. A re naha ha e ka tsoelepele ho fehla motlakase ka letsatsi e t'lo imeloa ke litšenyehelo ka hoo ha ba khothaletse 'Muso oa Lesotho le paramente ho tsoelapele ho tsetela lichelete karolong ena ea phehlo ea motlakase. A re ba lokela ho tsetela lichelete tse ngata phehlong ea motlakase oa metsi kaha o se litšenyehelo li boima.

Moomakeli oa setsi Seba-joa Tau o hlalositse hore setsi sena se qalile tšebetso ka selemo sa 2021 se ntse se sebetse hantle kaha se atleha ho fepela litereke tsa Maseru, Mafeteng, Mohale's Hoek le Quthing ha mocheso o le teng. A re nkho ea bona ea pokello ea motlakase e'a imeloa ha maru a le teng leha e le bosiu ha ba be le motlakase kaha ba lokela ho ba le mokhoa oa ho bokella motlakase nakong eo o fehlehang ka bongata ha ho chesa.

A supa ha motlakase ona o sebetse hantle ha letsatsi le hlakile ho tloha ka hora ea 10 hoseng ho isa ho ea boraro mantsiboea. Setsi sena se thehiloe ka bokhothokotho ba M1 Billione.

Ba re 'muso o fanyeha lekhetho la joala

Nthabeleng Seithleko

Muso oa Lesotho o lokela ho beha pooaneng mekhhoa ea ho imolla likhoebo tse ikemetseng le ho bula mamati hore bahoebi ba koetlise bacha ka mekhhoa ea ho tsamaisa likhoebo eseng ba sobokelloe feela feela ho qala likhoebo. Litaba tsena li boletsoe ke Mookameli oa Mokhatlo oa Bahoebi ba Likhoebo tsa Lino le lijo, Motseki Nkeane Puisanong le Koranta ka la 15 Phupu monongoaha.

O re ketso eo ke ho koala bacha melomo hore ba se re letho ka tlhahiso ea mesebetsi ho bacha, 'me ho netsoe ke ho kenyetsa tsamaiso ea naha ena ea likhoebo metsi ka moeli ka ho ngolisa likhoebo ka tsela e se nang ponaleto, ebile e etsoa mahala. O re taba ea tlhokahalo ea mesebetsi ha e hloke batho ba iphosisang tsamaiso hobane ba le matleng empa ba bone hore litaba li sebetsoa ho latela molao.

O re e le bahoebi ba bang ba naha ena b'a ipot-sa hore na 'muso o tiisitse hore o re qha! ka ho kenya Section 34 tšebetsong. O re eo e ne e tla etsa hore bana ba Basotho ba iqalle likhoebo tse ba lokelang ba sa sitisoe ke melata. A re e hlahisitse hore na ke likhoebo life tse neng li tla

oela matsohong a Basotho.

O tsoelapele hore 'muso o ile oa eletsoa ka botebo ke bahoebi ba bang, moo matona ohle a le teng ha 'moho le Mohlomphehi Tona-Khola hore ha o kenya tšebetsong lekhetho la joala le koae, litlamorao e tlo ba ho felisa mesebetsi le ho ntša khoebo kahar'a naha ho e isa Afrika Boroa, 'me ho fetse ho joalo. A re haeba 'muso o ne o sa bone ka nako eo hore ke phoso o nahana o lokela ho ipona phoso hobane seo ke ho itheola mae-mong a lokelang ho ntlafatsa sechaba.

A re ho hlakile 'muso o nkile karolo ho mpefatsa liphepetso tsena tseo kaje-no o reng ke tlokoetsi, e leng tlhokahalo ea mesebetsi. A re ba ea lokela ho ithetsa ka hore ho na le bafani ba tla phallela naha joaloka nako tse fetileng. Le ha ho le joalo a bontša hore ke toro feela hobane lina-

ha tsohle li na le mathata a tsona hona joale, ka hoo seo ba lokelang ho se etsa ke ho ithahloba e le naha, hobane u ka nketsa'ng ha e ahe motse, etsoe bohlale ha bo ahele ntloana-'ngoe.

Mphe-mphe ea lapisa molekane motho o khonoa ke sa ntlo ea hae. Mosebetsi oa 'Muso ke ho batalatsa mabala joale sechaba ka mekhahlelo ea sona se ithahisetse mesebetsi se hire le ba bang. 'Muso o tlameha ho etsa seo o se buoang, e seng o buoe tje-na ebe liketso tsona li hanana le lipolelo tseo.

Nkeane o re 'muso o fanyeha lekhetho la Joala le Koae hobane ke tse ling tsa litharollo tsa tlhahiso ea mesebetsi. O re ho tla thusa hore ba bang ba Basotho ba feletsoeng ke mesebetsi likhoebong tse joalo ba khutlele mosebetsing ho thusa hore mesebetsi e be mangata.

Ho fanyeha Lekhetho la koae le koala ho tla thusa ho imolla 'muso haholo e bang ba sa iphapanyetse taba ena.

Maneo Ralentsoe eo e leng mohoebi oa Joala, o hlalositse hore o ne a ena le bosebetsi ba 10 ho tloha ho nyolotsoe Lekhetho la nkoae le joala o ile a tlameha ho ba fokotsa ho fihlela a setse ka bosebetsi ba bahlano. O re taba ena e boima hobane 'muso o lla ka tlhokahalo ea mesebetsi eo e meng ea eona e amehang ke liqeto

tša bona.

A re naha ena e sale hole ho iphumana hobane batho ba liqetong tse holimo ba shebile bona, ba lebetse ka ntlafalo ea sechaba. A re ho bohlokoa hore mebuso e seke ea etsa lintho tseo e sa lokelang ho polotika ka tsona karolo ea tsona, hobane khoebo e ikemetseng ha e imeloa ha hona motho ea ka e imollang.

A re bahoebi ba bang ba joetse likhoebo tsa bona ka lebaka la Lekhetho le holimo e leng se ekelitseng khatello e holimo ea tlhokahalo ea mesebetsi. A re joale ho bohloko ka ho fetisisa ke melata e rekisang joala bo kenang ka likhoronana tsa matsa, ha ho bonahale ho na le likhato tse nkoang.

O re 'muso oa Lesotho o lokela ho etsa lintho ka melao e seng ho buoe lipuo tsa sepolotiki kahar'a litaba tse amanang le ho imolla naha boemong bona ba tlhokahalo ea mesebetsi. O re ho lokela ho bonahale liphatlatso tse tsoang li itšetlelele ka melao e se re khabareng bacha ba ngolisa likhoebo mahala ho se molemo oo ba tlang ho o fumana ka tsona.

Lipuo tse sepolotiki li feletsoe ke nako ho bohlokoa hore 'muso o etse liqeto tse molemong oa khola le ntlafalo ea moruo ka 'nete eohle e seng tse phoqang kapa ho koala batho melomo



MOELETSI O TŠEHETSA BACHA

Tšeliso Thakholi

Le ha ho ntse ho le boima ho bacha ho fumana mekhoea eo ba ka tse bang ho loantša tlala, bofuma le tlhokahalo ea mesebetsi. Khoebo ea leruo la limmutlanyane, e sa ntse e le oona mokhoa o bonolo haholo ebile o le litheko li tlase oo bacha ba ka tšabelang ho eona. Relebohile Phakoane le Lineo Ramosa ke bathehi ba khoebo e nyenyane ea leruo la limmutlanyane.

Khoebo ena ba e thehile ka selemo sa 2018, hang haba qeta ho phethela lithuto tsa bona ka Sekolong se Seholo sa Sechaba (NUL). Bacha bana ba khothaletsa bacha ho ruoa limmutlanyane ka bongata kaha matsatsing a morao tjena nama ea tsona e belisoa haholo lihoteleng le matlong a ho jela, ka lebaka la monate oa eona le ho fana ka matsoai a bohlokoa a hlokoang ke 'mele mol-emong oa bophelo bo botle. Bona ba libeha tjena:

QALEHO

Sethathong ha re ne re qala morero oa rona e ne e le ho rua likhoho tsa mahe le likolobe kaha re ne re hlokometse hore batho ba bangata sebakeng seo re phelang ho sona, ba rata nama ea kolobe le mahe haholo, 'me ba kena litšenyehelong tse kholo ho tloha motseng ba leba toropong ho ea reka mahe le nama ea kolobe ka bongata bo boholo. Re ile ra qala ka likhoho tsa mahe, 'me ra hula ka boima bo boholo ka lebaka la litheko tse boima tsa lijo, hoo re ileng ra nka likhoeli tse tšeletseng feela empa ra bona khoebo e sa tsamae hantle.

Ra e tlohela ra reka malinyane a mabeli likolobe. Re

ne re hlile re shebane haholo le ho hlahisa malinyane le ho rekisa nama. Ra bona ena e sebetsa hantle kaha batho ba bangata le bahoebi ba reka ho rona. Ha re bona khoebo e ntse e hola, ra boela ra etsa boithuto bo bong hape ba hore na batho ba habo rona ba ratang haholo.

Ra hlokomela hore leruo la limmutlanyane le ratoa haholo kaha Basotho ba bile ba etsa moriana ka mosese oa eona. Ra bona hore e hlile lihoteleng mona batho

ha li na litšenyehelo tse ngata. Ke ha re tla rua limmutlanyane ka bongata. Re sebetsana le likolobe le limmutlanyane, 'me hajoale re se re le bacha ba bahlano.

KHOLO EA KHOEBO

Khoebo ea limmutlanyane e bonahala e ntse e hola haholo ho feta ena e ea leruo la likolobe. Re se re ena le bahoebi ba re tšehelitseng, baitšokoli le batho ka bo mong ba tlang ho tla reka limmutlanyana, haholo-holo mofuta oa Machaena ba rata nama ea teng haholo.

senya chelete e ngata ka ho reka limmutlanyane le likolobe. Empa ba ile ba 'na ba re tšehetsa ka lichelete tsa bona ho fihlela ba bona tema le ho utloisisa hantle seo re se etsang. Ka tšehetso ea bona ke bona khoebo ea rona e ntse e hola ka potlako e kholo haholo-holo ea limmutlanyane.

BOITHUTO

Ho latela tsela eo re seng re e tsamaile re ithutile le ho kholiseha hore khoebo ea leruo la limmutlanyana le likolobo ha e-so pharalle ha-

leruong la limmutlanyane le likolobo. Rona re ka thusa bacha ho fana ka malebela bakeng sa ba ka ratang ho qala mefuta ena ea khoebo. Khoebo ena e ka hlahisetsa bacha ba bangata haholo mesebetsi.

LIKATLEHO LE LIQHOLOTSO

Re atlehile ho hira bacha ba bararo ba sebetsang ka linako tsohle, ha re boetse re ena le ba bahlano hape ba nakoana, ba tlang feela ha mosebetsi o le mongata. Batho ba bang ba lieha ho lefa ha re ba file ka sekoloto, 'me sena se khina tšebetso ea rona haholo. Qholotso e 'ngoe eo re kopanang le eona ke bonyenyane ba sebaka seo re sebeletsang ho sona. Morero ke hore ha matla a boetse a eba teng re tla batla sebaka se seng se seholo.

LIKELETSO HO BACHA

Bacha e mang ka maoto le sebelitse litalenta tseo Morena Molimo a le fileng tsona e le hore le tsebe ho iphelisa. Ke ba khothaletsa hore ba ntseng ba le likolong ba etse lithuto tseo e tla re hang ha ba etsoa ba be ba ilo ithihela mesebetsi ba sa labella ho hiroa.

BOIPILETSO HO 'MUSO

Ke kopa 'muso oa habo rona hore o kenye letsoho, ka ho matlafatsa litalenta tsa bana ba Basotho ka hoba tšehetsa ka mekhoea ea hore ba tsebe ho iqal-la bophelo. Ke kopa hape 'muso o se ke oa tšehetsa ba temo feela ka linyehlisetso tsa lipeo le menontša le rona bacha ba ruileng liphoofolo ka mefuta, o ke o re etsetse linyehlisetso tse itseng haholo-holo tsa lijo le meriana e loantsang mafu a liphoofolo.



TŠEHETSO

ba e thabela nama ea 'mutlanyane haholo. Ra boela ra hlokomela hore ke mofuta oa liphoofolo o ruehang ha bobebe le ho ata haholo ka nako e khutšoanyane, 'me

Ha re qala likhoebo tse-na li le peli batho ba bang bane ba hlile ba sa utloisisi hantle hore na re ntse re e tsang. Ba bona re ntse re

hola kahar'a naha kaha batho ba sa ntse ba liruo mol-emong oa hoja le ba malapa a bona e seng khoebo. Ka hona re khothaletsa bacha ho itahlela ka setotsoana



Nyeoe ea Lipholo e'a thisa

Thakholi le Seithheko

Nyeoe e khahlanong le Moetapele oa BCM Dr.Ts'epo Lipholo ea ho hlompolla Motlotlehi le ho leka ho susumetsa morusu kahar'a naha, e neng e lebeletsoe ho tsoelapele Lekhotleng le Phahameng ka la 14 Phupu monongoaha, e sitiloe ho tsoelapele kaha 'muelli oa hae a re ha ho litokomane tse feletseng tse phuthetseng likateng tsa nyeoe ena. Litaba tsena li bile kapel'a Lekhotla le Phahameng la Lesotho, ka la 14 Phupu monongoaha.

Ka lebaka lena Dr. Lipholo h'a fumana 'bail' ka hoo o tla tsoa a ntse a lutse Setsing sa Tlhabollo ea Batšoarua. 'Muelli oa hae Adv. Borena Habokhethe Sekonyela o re ba lokela ho fana ka litokomane tse feletseng hore lekhotla le ithute ka botebo litaba tsa nyeoe ena le ho ema matsatsi a 7 hore ba tle ba mo kopele 'bail'.

A re ha motho a qositsoe ka qoso ea ho khelosa sechaba hore se se ke sa mamela Motlotlehi, litaba tseo ha li le Lekhotleng le Phahameng li etsoa ka litokomane, moo ho hlahang kapel'a Lekhotla liakhente tsa hae le tsa mofapahlooho

tse tlleng ho tla mo kopele 'bail,' 'me eena ha e be karolo.

A bontša ha litabeng tseo se etsahalang e le hore mabaka a fanang ka kopo ea 'bail' a behiloe ka mongolo kapel'a Lekhotla lehoja ka la 10 Phupu monongoaha, ba ile fumana taba ea hore ba lehlakore la 'muso ba na le maikutlo a ho hanyetsa 'bail' eo. O re Dr. Lipholo o sireletsoa ke molao oa ho khutlisa meeli oa selemo sa 1974 ho loanela Naha ea Lesotho, 'me joaloka Mosotho e mong le e mong le eena o na le tokelo ea ho etsa joalo.

A re litaba tse ling kahar'a qoso ea hae ke hore eo o tseka naha ea Basutoland e naheng ea Afrika Boroa, 'me naha eo e lumeletsoe hore linaha li tseke linaha tsa tsona ho ea ka molao oa pusetso ea linaha tsa batho oa 1994. A re taba eo ha e sisinye metheo ea 'Muso oa Lesotho ka tsela efe kapa efe 'moho le Motlotlehi hobane ha ho moo litaba tseo li amanang le Naha ea Lesotho.

Kamora tsena tsohle Tona-Kholo Samuel Matekane o ntšitse polelo mabapi le liketsahalo tsena ka la 15 Phupu monongoaha, moo har'a tse ling a bontšitseng hore maikutlo a ho lata naha h'a mabe ho hang etsoe le Sesotho se re tsa habo



moshemane ha li jeoe! U ka li ja u li sia masapo hobane h'a hola o tla li tseka.

O bontšitse hore ho fihlile tlhokomelong ea 'muso hore litaba tsena li tšeroe ka tsela e tla qetella e bakile mathata, kaha joale li nka mothati o sele oa ho thunthetsa botsitso, tšireletso le khotso, e leng tlolo ea molao oa Naha ea Lesotho. A re boemo bona ba litaba bo bakile ho tšoaroa ha Mohlomphehi Lipholo, setho sa paramente ea Lesotho. A re o tsebisa sechaba hore

lipatlisiso tsa sepolesa tse mabapi le liketso tse ling tsa Dr. Lipholo le ba bang, li se li hatetse pele haholo, 'me li tla behoa kapel'a Makhotla a Molao.

A supa hore taba ea ho tseka naha ha e na bobele ho hang, etsoe ke taba e ileng ea hlaha maikutlong a Basotho ka nako ea tlhopho-bocha. A re ka nako ea teng ka therisano le baetapele 'moho le sechaba, 'muso o tla sebetsa taba ena ea ho lata naha. A re 'muso o ipiletsa ho mafapha

ohle a sechaba hore le ha eba sechaba se ka tseka seo e leng sa sona, se qobe liketso tse malimabe tse ka lukang khotso, botsitso le tsoelopele ea sechaba.

A qetella ka ho ipiletsa ho sechaba ho emisa ho thoholetsa kapa ho hlohliletsa liketso tsa likhoka hobane ha li amohelhe ho hang pusong ea sechaba ka sechaba. A hlokomelisa bohle hore ba ikobele molao ka liketso tsa bona, e le ho fa Naha ea Lesotho seriti se e lokelang.

IEC e abela bahloli

Nthabeleng Seithheko

Komisi e lke-metseng ea Likhetho (IEC) e nehelane ka limpho ho bacha ba ileng ba kenela tlholisano ea boqapi ka ho fana ka thuto ka litaba tsa Ngoliso Bocha, ka la 11 Phupu monongoaha.

Mookameli oa IEC, Tšoeu Petlane o hlalositse hore lihlahisoa tseo ba neng ba sebetsa ka le tsona ba lokela ho qalella ho li sebelisa e le thepa ea bona, e le karolo e kholo ea ho khothaletsa hore Basotho ba ingolise.

A re bacha bao ba tsebe ba qalile mosebetsi ka hoo hohle moo ba teng e se e le li baemeli ba IEC, 'me sena ba se bua hobane lipale tsa bona tsa ngoliso ea bakhethi li hohela bacha hore ba ngolise kaha ba ne ba bonahala ba se na thahasello.

Nthallo Letšela Mookameli Lefapheng la Thuto ea Sechaba le Litokelo tsa

Mantlha tsa Botho IEC, o bontšitse hore ba ile ba tšoara litlholisano mabapi le botaki, bonono le botomisi mabapi le Sehlooho sa Ngoliso Bocha, moo ba neng ba bontša ka boqapi litaba tsa bona tseo ba li behileng.

Tlholisano e ne e kenetsoe ke bacha 88 'me ba ne ba lokela ho ntša ba 20. Mekhahlelong e fapakaneng liqholotso e bile tšebeliso ea puo ea Sesotho moo ho bonahetseng bacha ba sa tsebe Sesotho ka hona ba

atlehile ho tla le batho ba 12 ho ba 20 e leng ba itlhommeng pele.

Lydia Macheli ho hlaha Ofising ea Liphatlalatso, o lebohile mosebetsi ona, 'me ba motlotlo ka ona hobane ke ntho e kholo eo morero e ne e le ho khothaletsa batho ho ea ngolisa bocha e le ho hloekisa lenane la bakhethi. Hape e reretsoe hore sechaba se bonahale se phamolela moea oa ngoliso ea bakhethi holimo.

E mong oa bacha ba hapileng khau boemong ba pele lithothokisong, e bile e le seboholi sa Radio Maria Lesotho, Rantšo Teboho Likotsi, o hlalositse hore o nkile nako e telele ho etsa mosebetsi oo 'me ho latela lipehelo tsa ona ho ne ho se bonolo. A re ho hlaha boemong ba pele e bile nyaroso ho latela hore na litsebo tsa bana ba Basotho le boqapi matsatsing ana li ntlafetse ha kae. Le ha ho le joalo a leboha IEC ka mosebetsi ona le limpho tsohle hobane li t'lo fetola bophelo ba hae le hore a qalelle ho ntlafatsa litoto tsa hae.



"bacha ba lokela ho rata le ho boulella puo ea Sesotho hobane ke eona puo ea mantlha e bolokang Basotho ba rona le ho re kopanya re le sechaba sa Mo-shoeshoe." Ke Likotsi eo.

O re o ithutile hore puo ea Sesotho e matla, e ka fetola bophelo ba bona ha ba e rata, ba e sebelisa mol-emong oa kholiso ea talenta ea bona, ka lebaka leo ho bohlokoa hore ba se hlajoe ke lihlong ha ba e bua.

A ipiletsa ho bacha ho kenela litlholisano tse fapakaneng ho leka lehlohono-lo le ho fetola bophelo ba bona hobane lintho tsohle li tsamaisoa ke Morena Molimo ka tsela ea hae. A re ho bohlokoa ho nka khato hore qetellong lintho tsohle li tle li be molemo.

Boqapi bona bo fapakaneng bo entsoeng ke bacha, bo tla sebelisoa e le thepa ea IEC ho fana ka thuto sechabeng.

Lesaoana o khalema banna

Nthabeleng Seithleko

Mohlomphehi Pitso Lesaoana Letona la Tekano, Bacha le Ntšetsopele ea Sechaba 'mokeng oa Naha ea Lesotho oa tlaleho ea Voluntary National Review (VNR) o hlalositse hore Lesotho le lahlehela ke menyella ea kholo le chelete e ngata ho phekoa batho ba hlekefetsoeng, ho tsoara linyeoe le ho hlabolla mahlatsipa a tlikefetso. O boletse litaba tsena, ka la 10 Phupu monongoaha.

"Re le naha re lahlehela ke bokamoso, chelete le Bosotho, ka hoo banna ba lokela ho emisa, ba itl'hahlobe le ho khaotsa liketso tsena. Tlikefetso ha se taba ea basali feela, ke koluoa ea sechaba." Ho rialo Lesaoana.

A bua ipapisitse le tlaleho ea Naha ea Lesotho ea SDGs (Sustainable Development Goals Status Report) ea selemo sa 2024 e hlalolang hore 44% ea basali ba Lesotho e ile ea hlahela ke mofuta o mong le o mong oa tlikefetso bophelong ba eona, e leng karolo e holimo haholo Afrika.

SDG 5.2 eona e hlalosa hore ho felisa mofuta eohle ea tlikefetso khahlanong le basali le banana, ho tla thusa ntlafalong ea moruo.

Lesotho ha le boemong bo botle ka lebaka la tlikefetso, e etsetsoang banana le basali ba bangata ba lahlehela ke menyella ea thuto, bophelo bo botle le boikarabello sechabeng.

Lebitsong la Letona la Bophelo, Palesa Mashoi h'a bua ka SDGs 3 e buang ka bophelo bo botle le boiketlo ba sechaba, o bontšitse hore Lesotho ho hloka-hala ha basali nakong ea pelehi ho theohile ka 54% ho tloha ka selemo sa 2009, e leng letšoao le hlakileng la tsoelo-pele le boikitlaetso bo matla ho ntlafatsa tlhokomelo ea bakhachane le lišebeliso tsa tlhokomelo ea bophelo.

Leha ho le joalo a re bacha ba nang le koakoa-na-hloko ea HIV ba ntse ba eketseha, 'me hona ho supa hore ho na le tlhokahalo ea mananeo a totobatsang thibelo le tlhokomelo bakeng sa bacha. A bontša hape hore lišenyehelo tse phahameng tsa tlhokomelo ea bophelo li ntse li eketsa moralo ho malapa, haholo-holo ha maemo a bophelo a le



tlase.

A re malapa a mangata a ntse a tobana le qholotso e kholo ea ho lefella litšebeliso tsa Bophelo, e leng ho boleloang hore lišenyehelo tsa bophelo li feta matla a sechaba.

Letona la Lichelete le Ntšetsopele ea Meralo, Dr. Retšelisitsoe Matlanyane o itse mafapha ohle a sechaba a lokela ho tsoarana ka matsoho ho bona hore meralo ea Ntšetsopele ea

Moshoelella ea phethahala kaha e le lipehelo tseo linaha li ipehetseng tsona hore tsa be li phethahatsa ka selemo sa 2030, e le hore re be le sechaba se fetohileng le lefatše le ntlafetseng.

O re moruo oa Lesotho o ile oa ameha haholo nakong ea seoa sa COVID-19 moo bofuma bo ileng ba phahama kamor'a tahlehelo ea mesebetsi e mengata ea sechaba haholo e amang basali le bacha. Lesotho le

ile la bokella chelete e kaalo ka M700 Million ho arabela taba ena empa ha ho tlose hore naha e hula ka thata tlhahisong ea mesebetsi ka lebaka la ho angoa ke litetiso tsa 50% tsa Naha ea Amerika ho entseng hore ho fihlela ha joale mesebetsi e 20, 000 e leng 43% e lahlehe lifemeng.

A re 22% ea Basotho e tjametsoe ke bofuma le tlhokahalo ea lijo, leha ho le

joalo qholotso e ntse e le tlhokahalo ea mesebetsi e tjametseng bacha ba nang le litsebo le ba se nang tsona. O re ho hong hape ke lipalo tsa tlikefetso tse phahameng le sekheo sa tlhokahalo ea chelete e ka thusang litabeng tsa pheotoho ea leholimo hobane li bakela sechaba bolutu le ho phela kahar'a bofuma ka lebaka la likhohola le mocheso.



Ente ea rubella le maselese

Nthabeleng Seithleko

Letona la Bophelo Mohlomphehi Se-libe Mochoboroane o re Lekala la habo le tla khakola kentello ea maselese le rubella baneng ka khoeli ea Mphalane monongoaha, e reretsoeng ho thibela le ho ata ha maselese baneng. O boletse tsena, ka la 12 Phupu monongoaha.

O kopile batsoali ho netefatsa hore bana ba fumana

ente ea maselese le rubella ho qoba hore ba tle ba tsoaetsehe ha bobebe. A re ente eo e tla fanoa Litsing tsa Bophelo ka hona ho molemo ho batsoali ho ipapisa le khothaletso tsa lingaka kaha liente li thusa kholong e ntle ea bana.

O re e le ho atlehisa mohato ona oa kentelo baneng, ho tla thakholoa litholisano tsa kentelo tsa litereke ka ho fapakana moo se tlang ho ipabola se tla putsoa. O re ngoahola letšolo la thibelo ea Lefu la Lefuba (TB) le ile la atleha kaha lekala le ile la

etsa matsapa a ho kenella metseng le metsaneng ea Lesotho. A re letšolong leo batho ba ileng ba fumanoa ba e-na le matšoao a TB ba ile ba fuoa kalafo hanghang.

A re ka mokhoa o tsoanang ba ntse ba tlo tsamaea metseng e fapaneng ho tsomana le bakuli ba TB kaha ba hloka ho bona e le pale ea maobane empa e le lefu le teng le sa tlišeng letsoalo. A re lefu lena le ba behile tšietšing hobane le nka bophelo ba sechaba ka lebaka lena ho

bohlokoa hore ho se be le nako eo ba behang lihloko fatše khahlanong le ntoea ea lona hobane le kotsi.

H'a phethela o ipilelitse ho sechaba ho ipaballa khahlanong le serame kaha ho e-s'o be le litlaleho tse netefatsang hore COVID-19 e felile hobane morao tjena, ho thoe motho o ile a hohlola matsatsinyana a ba a feloa ke bophelo. Ka hoo a re ha ba hloke hore ebe batho ba ntse ba lahlehela ke bophelo ka lintho tseo ba ka li behang taolong.

E mong oa basebeleletsi ba tsa bophelo metseng Ha Makhoathi, 'Makeneuoe Thoahlane, o thoholelitse lekala ka mohato oa ho isa lišebeliso sechabeng, ka le reng le ba nolofaletsa ho fana ka thuto hobane batho ba bang ba iphanyetsa litaba ha ba li bolelloa ke bona. A re litaba tsa TB batho ba se ba li utloisisa ho setseng ke hore batho ha ba ikutloa ba se na bophelo bo botle ba ee Litsing tsa Bophelo ka nako.

A re ba se ntse ba etsa khoelehetso ho batsoetse hore ba ise bana lienteng ka nako le ka nepo hore bana ba tsebe ho hola hantle ba matlafetse, hape a re ke boikarabello ba batsoali ka bobeli ho bona hore bana ba fumana liente ka nepo.



Mokhethoa o kopa tšehetso



o itse letsatsi lena le ba thusa hore puisano e be teng kahar'a sechaba, thuto e fanoa khafetsa le hore bacha ba lokela ho ikhahela malapa ka nako life lilemong tse kae, hape le ba thusa ho bopa sechaba ho bopa likamano tsa boitsebo.

Dr. Mosa Tlali ho hlaha Lekaleng la Bophelo, o hlalositse hore bacha ba lokela ho hola hantle ba tseba liqholotso tseo ba leng ho tsona, 'me batsoali bona ba tlohele liketso tsa khale ba ise bana likolong hobane thuto ke pula-maliboho ea bophelo bo bottle ba sechaba le kholo ea sona.

Moemeli oa UNFPA Lesotho, Innocent Modisaotsile o hlalositse hore taba ea mantlha ketekelong ena ke ho theha sethala se matlafatsang bacha ka sepheo sa hore ba iketsetse liqeto



tse nepahetseng, le ho ba le bolokolohi ba liqeto tse tla ba thusa ho bopa bokamoso ba bona. O re bana ba banana ba iphumana ba phela kahar'a naha e nang

le litšoaetso tse holimo tsa HIV e leng se amang bokamoso ba bona.

A re ba tšoare ka matla ho bona hore thuto e anela sechabeng, haholo ea lita-

Nthabeleng Seithleko

Mokhethoa oa Malingoaneng Ramakalima Monethi o re o ngongorehisitsoe ke liketao tse etsahallang bacha haholo bana ba banana, ba lulang metseng e hole le literopo, joaloka lenyalo la bana ba tlaase lilemong, tlhekefetso le ho nyahlat-sa likolo ka lehare. O bole-tse litaba tsena a buisana le Koranta ka la 14 Phupu monongoaha.

O re ofisi ea habo e na le litlaleho tse ngata tsa lita-ba tse amang bana, ka ho bonahala litokelo tsa bona metseng e meng li ntse li sa eloe hloko hobane sechaba se seng se ntse se phela ka litloaelo tsa khale tsa bana ba nyaloang ba le tlaase lilemong. O re taba eo e lokela ho fela ka hore bohle ba nang le kobo ea bohali litabeng tsa tšireletso ea litokelo tsa mantlha tsa bana ba fane ka thuto ka matla metseng e joalo.

O re litaba tsena o li bua tjena ho latela hore meketjana e mengata e bonahalang e etsahala pela literopo ho sa eteloe libaka tse fihlillehang ka thata, kaha sechaba se joalo se hloka ho fuoa thuto e pharaletseng. A re ho bohlokoa hore mekete e fapakaneng e tšoaroe khafetsa kahar'a mekhahlelo e fapakaneng ea sechaba. O re bona e le ofisi ba ee ba meme batho ba fapakaneng ho fana ka thuto sechabeng empa ka lebaka la tlhokahalo ea lichetele ba sitoa ho pharalla haholo.

Litaba tsena o li hlalositse tjena, kamor'a hore Lekala la Lichelete le la Bophelo ka tšehetso ea UNFPA le keteke Letsatsi la Lefatše la Kholo ea Sechaba ka sepheo sa ho hlahloba mehato le meralo e entsoeng pejana ho hlahloba kholo le ntlafalo ea sechaba, Seter-ekeng sa Mokhotlong ka la 11 Phupu monongoaha.

Letsatsi lena le ketekoa selemo le selemo ka la 11 Phupu, 'me monongoaha le ne le tsepamisitse maikutlo litabeng tse amang bacha tsa thari le thobalano.

Mokone Mokokoane ho hlaha Lekaleng la Lichelete,



Why fear those with no potential

We go around in life working or at least wishing for a good life. A life that is hustle free where we can have everything we dreamed of. Most of us don't make it not because we don't have plans or potential. We struggle to fulfill our desires because our means to the end are always subjected to what will people say syndrome that we suffer from. We are afraid to act and do things which can change our current situation for fear of subjecting ourselves to public opinion, most of the time not realising that those who are good with criticism have no potential to even lift a finger to help themselves. We literally are afraid of people who can't even do anything to save their own life.

People who have made it in life will never laugh or negatively rebuke a person making an effort to improve



their situation. It is those at the bottom of a social class who find it easy to speak ill simply because they have no potential themselves so they fear any effort applied by others. Let us continue with our efforts to transform our current existence so long as we are within the parameters of the law

and it makes us happy. We should remember if we hear negative criticism it's from those who see the potential our efforts and are afraid of potential results hence, their attempt to stop it. They have no potential of their own.

Teboho Matjeka
63574502/58911803

ba tsa bophelo bo bottle ho qoba tahlehelo ea bophelo ka lebaka la mafu a ka thibeloang. Ka hoo o itse ba hloka boikemelo bo matla ba ngoan'a ngoanana le ba basali hore ba atlehe ho iphumana joaloka sechaba se atlehileng sa banna.

Lebitsong la Morena oa Sehlooho oa Mokhotlong, Tsekiso Phakisi o re banna ba lokela ho tšoara ka matla ho sireletsa bana hore ba hole ba hloka maqeba a tlhekefetso. A re bana ba lokela ho kopana nqa e le e 'ngoe moo ba tla tseba ho bua litaba tsa bona, 'mek-batsoali ba ba lokolle ho ea libakeng tse joalo kaha e le hona moo ba thakelanang la malebela.

Lebitsong la 'Muso oa Lesotho, Mohlomphahi Letsema Adontši o qhololitse bacha ho iqalla malapa ao ba ka a thabelang. A bontša hore bana banana ba lilemo li 13 ho isa ho tse 19 ba bonahala ba ima, lehoja 'muso o nkile likhato tsa ho bona hore o tšehetsoa bacha likhoebong tsa bona.

17 PHUPU 2025

HAPPY BIRTHDAY YOUR MAJESTY King Letsie III

**Kajeno re keteka letsatsi le
leholo la tsoalo la Rabasotho.
Re mo kopela bohlale ho
Ramaseli, a mo sitse ka tsohle
tseo a li hlokang.**

KHOTSO PULA NALA



TSA KEREKE

Baena boinchafatsong

Tšeliso Thakholi

Litho tsa Kopano ea Baena ba Setefane tsa Deanary ea Maria Mofumahali oa Lefatše li tliil'o tebisa sepheo sa Kopano le ho nyolla meea ea bona, ka ho tsoara reterete ea selemo le

oa Kopano le mong'a Parish bakeng sa ho e lokisetsa hantle. Pusanong le Mookameli oa Kopano ea Baena ba Setefane ba Parish ea Maria Mofumahali oa Lefatše, Mafisa Fobo o hlalositse hore selemo le selemo nakong ena ea pholomo e telele ea Mariha, ba ba le reterete ea Deanary feela moo morero

noa li kenyeletsa hore litho li tsebe hantle hore na bosebetsi ke'ng, sepheo sa Kopano le hore na ke lintho life tsa bohlokoa tseo Baena ba lokelang ho li tseba. A etsa mohlala ka hore litho li lokele ho tseba hantle mekete ea Kopano, phapano ea Mekete e Mehola ea Kereke le e sa ketekoeng ka mokhoa o khethehileng.

Fobo o boetse a bontša hore reterete ena e bohlokoa ka ha ba tliil'o hlahlelloa ka malebela mafapheng a fapakaneng a bophelo a kang a mekhoea ea ho iphelisa ka temo, bophelo bo bottle ba kelello le ho ipaballa bophelong ba bona ba letsatsi ka leng. "Re na le litsebi tse fapakaneng kahare ho Kopano tse tlang ho re fa malebela." O boletse joalo a bile a ipiletsa ho Litho tsohle tsa Kopano tsa Deanary ea Mazenod, ho tla ba teng retereteng ena ntle ho phoso ho tla anyale mohasula. A ba khothaletsa hore leha bophelo bo le boima, ba lokela ho ipeha ka linako tsohle ho Morena Molimo e le ho nolofatsa bophelo ba bona, empa ha ba ka ba thoko le Morena Molimo ba tla thatafalloa ke bophelo. "Le ha maemo a bophelo ba kajeno a tatile Baena ha re luleng kamehla re ipapisitse le Morena Molimo. O tla re hlolela tsohle." A rialo a qetella ka ho hopotsa litho hore e 'ngoe ea litšoanelo tsa bona ke ho rapela lithapelo tsohle tsa Kopano letsatsi ka leng, e le hore ba lule ba matlafetse.



selemo, boemong ba Deanary ea Mazenod, e tlang ho tsoareloa hona Parishing ea Mazenod ka la 18 ho isa la 20 Phupu monongoaha moo ba tlang ho amohela litho tse ncha tsa Kopano ho tsoa limishoneng tsa Deanary ea Mazenod. Reterete ena e ne e lokele hore ebe e ile ea eba mafelong a khoeli ea Phupjane, empa e ile ea chechisoa kaha Litho tsa Komiti e Kholo ea Kopano, li ne li sa ka tsa kopana le Rameea

e leng ho tsoaea bakokoti. "Le selemong sena ho ntse ho le joalo re se re ntse re e-na le bakokoti ba seng ba le malala-a-laotsoe ba bileng tlasa litlhahlobo tse matla ho latela melao le tsamaiso ea Kopano, 'me ho se ho setse feela hore ba hlahe kapel'a moprista oa rona ho ea ba hloba ba nt'o amoheloa ka Sontaha." A rialo. Fobo o re reterete ena ke ea bohlokoa haholo ka ha har'a lithuto tse tlang ho fa-

2024-2025 SELEMO C

Sontaha sa 16 har'a selemo



Genese 18:1-10

Pesalema 14

Ba-Kolosse 1:24-28

Luka 10:38-42



Khothatso

Ntho e 'ngoe feela!

Bahlalefi ba ile ba leka mekhoea e mengata ea ho hlalosa tšimoloho ea motho ntle le ho ipapisa ka tumelo; ba ile ba sebelisa lintho tse kang mollo, lefatše, moea kapa metsi e le tsona tseo ba reng ke sesosa sa bophelo. Ha tsoelapele e ntse e kena bahlalefi ba kelello le bona ba ile ba tla ka ho hong 'me bona ba sheba lintho tse kang monahano oa motho, hore na a ka atleha hakae, o ipona a lokile ho feta ba bang kapa o na le boqapi bo itseng bo ka mo thusang bophelong.

Empa Evangeling ea kajeno ho na le lintho tse peli feela tse sa tsoaneng e leng Maretha le Maria, ba neng ba le haufi haholo le pelo ea Kriste. Motse oa bona oa Bethani o ne o se hole haholo le Jerusalema moo Jesu a neng a tli'o feta le teng h'a leba hona Jerusalema ho ea shoela baetsalibe. Ketelo ena ea Kriste e na le mabakhane a grasía le hlomphe e tebileng. Mehleleng eo ho ne ho sa lumelleha hore mosali ea sa nyaloang a ka memela mona tlung ea hae, empa Kriste o ile a nka bana bana ba motho ba e-na le boikarabello.

Maria o ile a lula maotong a Kriste 'me a mo mamela ka tieo le ka lerato lohle, taba ena ke mosebetsi oa bohlokoa o hlohang ba bangata. Le rona re le tjena ha re mamela re etsa hobane re ntse re nahana hore na re tla itšireletsa joang kapa hona ho felisa puisano. Le manyalong moo ho lokelang ho mameloa ka tsela ea Maria ha ho joalo. Morena Jesu o ile a ba khahlanong le thuto ea mehleleng eo ea hore mosali o sitoa ho ithuta, eaba o ruta Maria. Haele Maretha eena o ile a amohela Kriste ka tsela ea hae le eena, joalokaha e le eena e moholo o ile a nka boikarabello ba ho hlophisa tsohle tse amanang le kamohelo ea baeti joaloka lijo. Ho bontša hore o ne a tseba Kriste nako e telele eaba o koma-koma ho eena hore h'a fumane thuso. Kriste o ile a sitoa ho ea ba moo Maretha le Maria ba kang 'moho hobane matlo ka nako eo a ne a le manyenyane, haholo phaposi ea ho phehela. Maretha o ile a sebelisa mokhoa oa kamohelo hampe hobane ho latela bophelo ba hae le hore na o ne a e-ea kae o ne a sa hloke marata ana a hae. Kriste e ne a hloka lerato, khutso le mofuthu. Le rona kamehla ha re thusa batho re shebe seo ba se hlohang pele e se re ra etsa phoso ra ba khopisa.

Morena Jesu lithutong tsa kajeno o re ruta hore ntho e 'ngoe feela e hlokalang bophelong ba rona, ke lerato leo le re bontša ka liketso, e leng tsela eo re amohelang batho ka eona. Ntho e nyenyane mahlong a hau e ka ba kholo haholo mothong eo u mo thusang. Ha re hlokomeleng hore re se iphathahanye ka lintho tse se nang molemo, hoo re ka qetellang re lebetse ho hlokomelana joaloka batho ba motho.

Bana beso ha re nkeng mofao thuto ea kajeno hore ha re mamela batho re se mamele feela ho araba empa re mamele ho utloisisa seo motho a se buang. Ehliile re tla mamela re na le maikutlo a rona, empa a se ke a ba bohlokoa ho feta molaetsa oo re o amohelang. Ho tsoana le ha re thusa ba bang, ha re entsa joalo ho latela tlhoko ea bona, eo le eona re tla e tseba ha re ka mamela ka hloko le ka botebo. Mona ho hlokalala motho ea itebalang 'me ea iphanang.

THAPELO EA JUBILEE



Ntate ea Maholimong
Ak'u etse rea u rapela hore tumelo eo u re fileng eona
Ka Mor'a hau ebile e le ngoan'abo rona Jesu Kriste,
'moho le mollo oa lerato ka lipelong tsa rona
Mollo o tlišoang ke khantšetso ea Moea o Halalelang
li ke li tsosolose tšepo e lehlohonolo ea ho tla ha 'Musu ua hau.
Mohau ua hau o ke o re fetole basebeletsi ba
mafolofolo tšimong ea hau,
Basebetsi ba jalang peo ea molaetsa o molemo oa
Evangeli.
E le hore peo eona eo, e hole ka botebo kahar'a batho bohle le kahar'a
tlholeho eohle, e fihlise ka ho phethahala tebello ea ho tla ha
Leholimo le lecha
Le Lefatše le lecha.
Moo kamor'a hore matla oohle a bobe a feliso,
tiotla ea hau e tlang ho bonahatsoa e khanya
kabosafeleng.
Ka mohau ua hau grasía ea Jubilee ena e ke e
tsosolose kahar'a rona takatso
Ea ho nka leeto la tšepo le taba-tabelo ea ho fihlela Letlotlo la
Leholimo.
Hape mohau ona oo, o ke o atise o be o ngatafatse thabo le khotso
tša Mopholosi oa rona lefatšeng
lohle.
Joale letlotlo le thoriso li ke li isoe ho uena Morena Molimo oa rona
Ea Halalelang 'me ea Tlotlehang kamehla le mehla.

Amen.

Bahalaleli har'a Beke

21	Phupu	Praxedes
22	Phupu	Maria Magdalena
23	Phupu	Bridget oa Sweden
24	Phupu	Lewina
25	Phupu	Cucuphas
26	Phupu	Joachim le Anna

LUFA e itokisetsa tsa Liki



Tšeliso Thakholi

Sehlopha sa Bolo ea Maoto ea Basali sa LUFA se qalelletse boithlhopho bo matla ka ho bapala lipapali tse ‘maloa tsa setsoalle, bakeng sa lipapali tsa Liki ea Mokhahlelo oa First Division tse tlang ho qala haufinyane. Lipapa-

li tsena li bile Lebaleng la Lavita haufi le Boema-Fofane ba Machaba ba Mo-shoeshoel mafelong a beke a tsoa feta.

Le ha lotho e-s’o etsoe ea hore na li tla bapala joang, LUFA e se e folofetse leraha ka ho qalella ho sa khanya ho itokisetsa lipapali tsa Liki ka ha morero o moholo e le ho fetela lihlopheng tsa Liki e Kholo ea Basali ha selemo

se secha sa lipapali se fihla pheletsong ka ‘Mesa isao. Letsatsing la Moqebelo e bile le lipapali tse peli tsa setsoalle le lihlopha tsa Ha Mantšebo moo papaling ea pele e ileng ea teteka baeti ka phafa e bohloko ea 7-0.

Athe papaling e hlahla-mang li ile tsa pitikisa mahe ka ho bapala ka 0-0. Haele letsatsing la Sontaha e ile ea boela ea e-ba le bae-

ti ho hlaha Tikolohong ea Nazareth moo e ileng ea ba amohela ka ho ba shapa ka thupa ea 5-0. E re ka ha o mong oa merero e meholo ea Mokoetlisi Selialia ke ho theha sehlopha sa bashanyana ba lilemo li ka tlase ho 15, o ile a boela a bapala lipapali tsa setsoalle le Nazareth ka lihlopha tse peli tsa bashanyana moo a ileng a atleha ho ikhapela tlhoho ka

2-0 le 3-0 ka tatellano. Selialia o re le ha e le mona sehlopha sa hae se ne se bapala lipapali tsa pele tsa boitokisetso ba Liki, o khotsofetse haholo ke ka moo li bapetseng ka teng. “Le hoja ke ithutile hore lihlopha tseo re neng re bapala le tsona ka ‘nete ke lihlopha tse si-toang hore li mphe lipapali tse matla. Hoo ke neng ke se ke fumane memo ea Phuthiatsana mafelong ana a beke, e kenyeletsang tse ling tsa lihlopha tse batlang li le matla haholo, empa ke tliil’o sitoa ho ea ka lebaka la mosebetsi.” O boletse joalo a bile a eketsa ka hore o ntse a tliil’o tsoelapele ho aha le ho matlafatsa sehlopha sa hae, ka ho boela ba e-ba le lipapali tse ling tsa setsoalle ho fihlela lipapali tsa liki li qala.

Sehlopha sa hae haesale se ntse se kopane ‘moho nakong ena eo likolo li koal-letsoeng phomolo ea Mariha ka ha bohobo ba libapali tsa hae e ntse e le bana ba sekolo. Libapali tsena tseo e saleng a e-na le tsona li tliil’o thusa sehlopha ho bona hore se fihlela litoro tsa sona, tsa ho kena Liking e Kholo ea Basali isao le ho ba le bokamoso bo phethahetseng.

Litsela tsa Charity Tournney li’a buleha

Tšeliso Thakholi

Litsela tse leb-ang lipapaling tsa seka-makhaola-khang le makhaola-khang a Mohope o moholo oa Winter Charity Tournament tse tlang ho qala ka la 17 Phupu monongoa, li bulehile kamor’a hore lihlopha tsohle li phe-thele lipapali tsa tsona tsa ho qetela mafelong a beke a tsoa feta, moo Patlellong e ileng ea makatsa barati le batšehetsi ba bolo ea maoto ha e tlontlolla sehlopha se seholo se bapalang bolo ea maemo a holimo sa Monneng ka ho se rabella 2-1, eba leeto la sona la ho hapa Mohope ona le fella letsatsing la Sontaha.

Barati ba lipapali ba neng ba khobokane ka bongata ho tla boha ha ngoale e kh-iba, ba tlohile moo lebaleng la Malakabe ba sa kholoe seo ba se boneng ka mahlo a bona a hore Monneng e hlotsoe ho teteka Patlellong ho latela ka moo e neng e bapala bolo ea boemo bo holimo ka teng. Bang ba khotsoa mosafeleng, ha ba bang e ntse e le: “Ao! E ka ba re sa tla utloa pina ea sechaba ho kae, haele moo

Monneng e se e le sieo! Na lipapali tsee li sa tla ba monate?” Ke bolo ea maoto e joalo kamehla, e na le ho makatsa ka linako tse ling.

Ka ho hlola Monneng sehlopha sa Patlellong se fete-la ho seka-makhaola-khang moo se tliil’o koebana le Mabetlela letsatsing le leholo la ketekelo ea sehopotso

sa tsoalo ea Rabasotho ka la 17 Phupu 2025. Papali ea eona e tla ba ea boraro ea letsatsi leo. Haele lihlopha tse ling tse phunyelelitseng ho ea ho seka-makhaola-khang li tla bapala ka Moqebelo eba tse hlotseng li bapala ho makhaola-khang ka Sontaha sa la 20 Phupu 2025.

Lihlopha tse hlotseng li kenyeletsa All for Joy e ileng ea hlola Members ka 2-0, Mabetlela ea rabel-la Mahlanyeng 9-0 ha FC BASA e ile ea tsoa ka lesoba la nale ha e ne e bapala ka seahlolo sa 1-1 le Thota-Moli. Athe lihlopha tse ling tse atlehileng ho fetela ho seka-makhaola-khang

ke Libitha Legends, Black Boyz le Nku. Lihlopha tsena li panne tjena: Libitha Legends vs Litloebelele, All for Joy vs FC BASA, Patlellong vs Mabetlela le Black Boyz vs Nku. Lihlopha tse ‘ne tse tlang ho hlola ke tsona tse tlang ho ea ho makhaola-khang ka Sontaha sona sena.



Lesotho le maemong a borobong



Tšeliso Thakholi

Naha ea Lesotho e hlahile maemong a borobong litlholisanong tsa lipapali tsa bacha tsa AUSC Region 5 tse neng li tšoaretsoe Motse-Moholo Windhoek, Namibia ho tloha ka la 4 ho isa la 14 Phupu monongoaha, ‘me la ikhapela limetlele tse 13 tseo har’a tsona Khauta li leng tharo, Silifera li leng tharo le Bronze tse supileng. Papaling ea Litebele ke hona moo Lesotho le hapileng limentlele tse ngata kaha Relebohile ‘Moso a hapile Khauta boimeng ba 51kg, Mvokelelo Snyman a hapa Silivera boimeng ba 57kg. Haele Realeboha Se-

goete oa 60kg, Retšelisitsoe Palatsi oa 60kg le Reabetsoe Mokhitli oa 54kg bona ba hapile likhau tsa Silifera sebapali ka seng kamor’a



hore ba tsoe lipapaling tsa seka-makhaola-khang. Haele papaling ena ea Litebele Naha ea Lesotho e ka be e ikhapetse limentlele tse ngata empa ho ile ha fumaneha hore linaha tse bileng teng, li ne li se na libapali tsa boima ba 48kg le 70kg moo libapali tse ling tsa Lesotho tsa bahlankana le baroetsana tse kenyeletsang seloani se kotsi sa moroetsana e leng Latoya Thakhisi oa boima 70kg. Ba bang ba hapileng limentlele tse ngata ke ba mabelo a mokhahlelo oa batho ba nang le bokooa ba pono moo Nokwanda Mabandla oa T11 ea neng a matha lebelo la 100m le 200m a hapileng Khauta tse

pelile, Liteboho Lebona oa T12 eena o hapile Silifera lebelong la 100m ha 200m a hapile Bronze. Haele ‘Ma-

mokhahlelong oa sehlopha, bona ke Naleli Mfundisi, Nthabiseng Raleie le Zanele Mofechane. Haele maemong a pele lipapaling tsena ho tsoile Naha ea Afrika Boroa e



makhooa Lipakela oa T13 ea neng a matha lebelo la 100m o iphumanetse Silivera. Ho ba Special Olympics teng, ‘Maletsatsi Pitso ea neng a matha ho 200m o hapile Bronze ha Tšelisehang Letuka ea neng a matha ho 100m le eena a hapile Bronze. Ba ho qetela ba hapileng likhau ke ba Table Tennis ba tlileng le khau e le ‘ngoe ea Bronze

ikhapetseng limentlele tse 143 tse 65 tsa Khauta, bobeling ea e-ba Namibia e bileng le limentlele tse 90 ha tse 24 e le Khauta ha boemong ba boraro e bile Zimbabwe ka limentlele tse 89 ha tse 22 e le Khauta. Ho ea ka litsebi tsa lipapali, Lesotho le lokela ho sebet-sa ka thata boitokisetsoeng ba lipapali tsa mofuta ona boemong ba tikoloho ekasitana le ba machaba.

Ke mokoetlisi oa Linare

Tšeliso Thakholi

Kamor’a nako e telele botsamaisi ba Sehlopha sa Bolo ea Maoto sa Linare ‘Tse Nala’ bo ntse bo tsoma mokoetlisi e mocha, bo fihletse qeto ea ho khetha ‘mapala-hare oa mehleng oa Sundowns le Kaizer Chiefs, Monghali Jabulane ‘S-Curl’ Mendu e le eena mokoetlisi e mocha oa Sehlopha sa Linare ‘Tse Tala’ bakeng sa selemo se secha sa lipapali se tli’o qala ka khoeli ea Loetse monongoaha. Sena se tla kamor’a hore eo e neng e le mokoetlisi oa sehlopha sa Linare, Monghali Atang Bob Mafoso a arohane le sehlopha kamor’a hore a fumane mosebetsi o mocha ka ‘Mesa monongoaha oa ho ba mokoetlisi oa pele oa lihlopha tse khohlo tsa Lesotho oa boemo ba machaba, moo a seng a koetlisa sehlopha sa African Stars sa Naha ea Namibia. Mafoso o ile a etsa nalane le ho beha Naha ea Lesotho maemong a holimo ka ho

hapa Liki e Kholo hang hoba a fihle sehlopheng seo. Ho ea ka Raliphatlalatsi oa sehlopha sa Linare, Lebese Molati ‘Tsokotsa’ ka moo ba mo renketsang ka teng, Mokoetlisi Mendu o na le boiphihlelo le nalane e ntle e netefalitsoeng ke litholoana tsa mosebetsi oa hae o motle papaling bolo ea maoto. O re ka lebaka la tšebetso ea hae e ntle, ba

na le tumelo e felletseng ea hore o tli’o tliisa letlotlo leo le lehlo la litsebo tsa hae le lerato la bolo ea maoto kahare ho sehlopha. O re o filoe mosebetsi ona o mocha ka lipehelo tsa hore nakong ea boetapele ba hae a ntšetse-pele ho matlafatsa talenta ea libapali tsa sehlopha sa Linare, a ahe moetlo o matla oa sehlopha le ho hapa lipapali

tse selemo se secha tsa Liki e Kholo. A tiisa hore mokoetlisi e mocha h’a lebelloa ho hapa Liki e Kholo selemong sena se secha empa haeba ho ka etsahala, e tla be e le monyetla o moholo oa tšebetso ea hae e ntle, ‘me hajoale o lebeletsoe ho lokisa sehlopha mafapheng ohle a sona. A re konteraka ea Monghali Mendu ke ea lilemo tse peli, ‘me e tla ipapisa le hore na botsamaisi ba sehlopha bo khotsofetse ke kamoo a

sebet-sang ka teng. Har’a tse ling tseo a lebeletsoeng hore a li etse ke methoho bakeng sa nako e tlang le ho bontša litsebo tsa hae litabeng tsa ho holisa le ho matlafatsa libapali ka bo-mong. Sehlopha sa Linare se phethetse lipapali tsa sona ngoahola se le maemong a 10 lokong ka ho hapa lipapali tse 10, sa bapala ka ho lekana ho tse supileng sa lahlehelo ke tse 13, ‘me sa e-ba le lintlha-khohlo tse 37 ka khetsing.

